

toern hebbe verwecket **S**ich my
an alre liefste en alre guedertvrenste
o alre ghenadichste moeder weerdich
des ouersten godes **S**ich an my
arme sonderſche dier mijn sonden
waervachtelike berouwen. my on-
weerdighe onſalighe die dijne ghe-
nade guedertvrenlick anroep **O**
alre ſoetſte moeder wil ghedachtich
weſen my arme verlaten ſonderſche.
my crincke cleynne menſchekij o edel
moeder mijns ſalichmakers **O**
waervachtighe moeder der ghenade
com toe hulpe my berouwighe ſon-
derſche. o ſoete vrouwe ſich my an
myt dyn guedertvren anſicht **O**
ſoete ionffer verhoer my ſnelliken
toe dy ſuchtende. verhoer my gued-
tvenlick die dy oetmoedelick bidde
Com my toe hulpe teghen die ou-
uloedighe liſticheiden des diuels
ende teghen die onreynne bedriechnis